

nem aquæ fontanæ, præfertim ea, quæ fiunt ex radicibus & herbis ficcis, addendo semper circa finem proportionatam spiritûs vini quantitatem conservationis gratiâ, resinosa verò cum spiritu vini binis vicibus extrahuntur, fitquè abstractio ad extracti consistentiam, quæ virtutes ingredientis præfentant.

## CLASSIS DECIMA.

D E

# OLEIS COCTIS

Compositis & simplicibus, oleis per deliquium, destillatis & expressis.

### OLEA COCTA.

#### OLEUM ACOVSTICUM AMBRATUM.

℞. Millepedum vivorum  
Cœparum ana unciam unam,  
Fellis carpcionum recentis  
Herbæ rutæ recentis  
Majoranæ recentis  
Radicis cyclaminis ana unciam semis,  
Hellebori albi  
Castorei ana drachmam unam,  
Styracis drachmas duas,  
Crocii austriaci drachmam semis,

Olei amygdalarum amararum  
uncias sex,  
Formicarum  
Nardini ana uncias quatuor,

Coquantur in  
Vini generosi libra semis  
Ad consumptionem humidi, colaturæ addantur  
Olei anisi  
Anthos ana drachma semis,  
Ambræ scrupuli duo,  
Præparatur etiam sine ambra.

*In surditate, auditûs gravitate, & tinnitu conducit, aurium apostemmata rumpit, & ulcera manantia curat.*

OLEUM

OLEUM ARANEA-  
RUM.

- ℞. Olei nymphææ  
Lumbricorum terrestrium  
ana uncias sex,  
Hyperici uncias duas,  
Foliorum rutæ  
Florum sambuci ana recentium  
unciam unam,  
Aceti rosacei  
Calendulæ ana uncias tres,  
Aranearum crassarum numerò  
quadraginta quinque,

Decoquantur omnia ad humidam  
consumptionem, colentur, & ex-  
primantur, in colatura infundantur  
rursus

- Aranæ crassæ numerò viginti  
quinquè,  
Camphoræ drachma semis,  
Digerantur, colentur, & serventur  
usui.

*In febribus malignis & petechiis re-  
gio cordis & arteriæ ad malignitatem  
evocandam illiniuntur.*

OLEUM DE CAPPA-  
RIBUS.

- ℞. Corticis radicis capparum un-  
cias tres,  
Tamarisci  
Foliorum tamarisci  
Seminis agni casti  
Ceterach  
Cyperi rotundi ana drachmas  
sex,  
Rutæ drachmas tres,

Misceantur contusa, & irrorentur  
aceto, tum addantur

Olei olivarum libræ tres,  
Coquantur ad consumptionem  
humidi, colentur, & exprimantur.

*Obstructiones lienis, ejusquè duros  
& scirrhosos tumores tollit.*

## OLEUM CASTOREI.

- ℞. Castorei unciam semis,  
Styracis calamitæ  
Gummi galbani  
Euphorbii  
Cassiæ lignæ veræ  
Crocii austriaci  
Opopanacis  
Cubebæ  
Spicæ nardi indicæ  
Costi ana drachmas duas,  
Cyperi rotundi  
Schænanthi  
Piperis longi  
Nigri  
Herbæ sabinæ  
Radicis pyrethri ana drachmas  
duas semis,

Irrorentur vini generosi sufficienti  
quantitate, tum addantur

Olei libræ tres,  
Et in vase benè clauso per aliquot  
dies calore arenæ digerantur, dein  
coletur oleum.

*Cerebri, nervorumquè affectibus  
frigidis, tetano, paralyti, convulsioni-  
bus, tremori, rigori què febrili subve-  
nit, spinâ dorsi illinitâ.*

OLEUM DIACOLO-  
CYNTHIDOS.

℞. Olei absynthii  
Rutæ  
Fellis bubuli ana uncias qua-  
tuor,  
Pulpæ colocynthidos  
Hellebori nigri ana unciam  
unam,

Coquantur ad humidi consump-  
tionem, & lege artis, coletur  
oleum.

*Umbilico illinitum alvum adstric-  
tam solvit, vermes pariter necat &  
subducit.*

OLEUM GONZA-  
GIANUM.

℞. Florum sulphuris uncias tres,  
Myrrhæ rubræ  
Mumix veræ ana unciam  
unam,  
Axungix serpentum unciam  
unam semis,

Indantur vasi vitreo, & affundatur  
oleum terebinthinæ ad trium digi-  
torum eminentiam addendo

Olei benzoës destillati drach-  
mas duas,

Stent per octiduum in digestionem,  
dein forti expressionem coletur, &  
servetur oleum.

*In contusionibus, iisque affectibus,  
ubi sanguis extravasatus stagnationem  
procuravit, resolvit, digerit, & ad  
circulationem reducit.*

OLEUM HABACU-  
CINUM.

℞. Herbx absynthii recentis  
Tamarisci  
Scolopendrii ana uncias  
duas,  
Radici dictamni albi  
Gentianæ ana uncias tres,  
Amygdalarum amararum  
Nucleorum persicorum ana un-  
ciam unam semis,  
Seminis cynæ  
Herbx corallinæ ana uncias  
quatuor semis,  
Colocynthidos  
Corticum aurantiorum  
Citri ana unciam unam,  
Succi absynthii  
Citri  
Aceti fortis ana uncias quatuor  
semis,

Incisa misceantur, & macerentur  
per aliquot dies, dein addantur

Olei olivarum libræ quinque,  
Fellis taurini numerò tria,

Bulliant ad consumptionem hu-  
miditatis, dein admisceantur

Picis navalis libra semis,

Aloës succotrinæ uncix duæ,

Theriacæ andromachi drach-  
mæ decem,

Olei spicæ uncia una semis,

Petræ uncix quatuor,

His benè solutis & digestis coletur  
oleum.

*Hoc oleo inuncta regio umbilicalis  
alvum reddit lubricam, vermes necat  
& expellit.*

## OLEUM HEPATICUM RUBRUM.

℞. Herbæ hepaticæ nobilis  
Matrisylvæ  
Euphrasiæ palustris cæruleæ

Florum papaveris erratici ana  
unciam semis,

Rosarum rubrarum unciam  
unam,

Herbis sine stipitibus addantur  
Radice anchusæ incisæ & vino  
irroratæ unciam duas  
semis,

Infundantur dein in  
Olei olivarum libra una semis,

Dein addatur  
Santali rubri pulverisati prius  
per noctem in aceto  
vini infusi unciam una  
semis,

Fricentur in sartagine super ignem,  
& coquantur, fiatquæ expressio  
per linteum.

*Inflammationem hepatis mediante  
inundatione potenter minuit.*

OLEUM AD HER-  
NIAS.

℞. Lacertarum vivarum numero  
quadraginta,  
Lumbricorum terrestrium re-  
centium libram unam,  
Asellorum recentium uncias  
tres,

Florum chamæmeli  
Sambuci ana unciam unam,

Coquantur. ad consumptionem  
humidi cum

Axungia urfi libris duabus,  
Exprimantur fortiter, dein addan-  
tur

Olei ovorum unciam tres,  
Et fervetur usui.

*Quod herniosis summè proficuum est.*

## OLEUM HYPERICI.

℞. Florum hyperici ad maturitatem  
feminis ferè accedentium  
contusorum libras tres,  
Croci austriaci scrupulos qua-  
tuor,  
Olei clari libras tres,

Macerentur, tum bulliant ad hu-  
midi consumptionem, ex post ex-  
primantur, expressum, lege artis,  
commisceatur cum

Terebinthinæ claræ libra una,  
Et fervetur usui.

*Dolores arthricos, podagricos,  
ischiatricos & varicosos calefaciendo  
mitigat, nervis & epilepsiæ subvenit,  
vulnera glutinat, & cicatrizat.*

OLEUM LACERTA-  
RUM.

℞. Olei nucum juglandium recen-  
ter expressi libras tres,  
Quibus immergantur  
Lacertarum viridum numero  
viginti quinque,

Suffocentur, & stent per tempus in  
digestione solis calore, tum colen-  
tur.

*Strumis, scrophulis & herniis resol-  
vendis conducit, capillos quoque auget.*

## OLEUM MASTICHI- NUM AUREUM.

℞. Herbae rutae  
Menthae hortensis  
Abrotani  
Menthae faracenicæ ana  
recentium uncias duas,

Spicæ indicæ unciam semis,  
Olei olivarum libras tres,  
Incisa coquantur ad humiditatis  
consumptionem, in colatura dis-  
solvatur

Masticis electæ libra semis,  
Dein reiteratæ colaturæ post refri-  
gerationem addatur

Olei destillati nucis moschatæ  
Caryophyllorum  
Macis  
Menthæ ana drach-  
ma semis,  
Cinnamomi scrupu-  
lus unus,

Misceantur, & servetur oleum usui.

*Ventriculum & intestina calefacit,  
concoctionem promovet, tormina quo-  
quæ in diarrhæis salubriter mitigat.*

## OLEUM NARDINUM COMPOSITUM.

℞. Spicæ indicæ uncias tres,  
Herbae majoranæ uncias duas,  
Radici enulæ  
Calami aromatici  
Cyperii rotundi  
Macis  
Foliorum lauri

Schænanthi

Cardamomi ana unciam semis,  
Contusa misceantur, & affundan-  
tur

Vini albi uncia octo,  
Post aliqualem macerationem,  
cum

Olei olivarum libris sex  
Lege artis, oleum excoquatur, &  
coletur.

*Cerebri & nervorum affectibus sub-  
venit, ventriculum roborat, conco-  
ctionem promovet, & thoracis ac pul-  
monum ulceribus medetur.*

## OLEUM SAMPSU- CHINUM, SIVE MAJORA- NÆ COMPOSITUM.

℞. Foliorum majoranæ uncias duas,  
Serpilli unciam unam,  
Myrti unciam semis,  
Menthæ aquaticæ  
Abrotani ana drachmas  
duas,

Cassiae lignæ veræ uncias duas,  
Olei olivarum libras tres,  
Concisis & contusis affundatur  
oleum, & vase benè clauso, solis  
aut alio calore macerentur per  
octiduum, dein exprimantur.

*Cerebro & nervis prodest, paralyti  
& convulsionibus medetur, spinâ in-  
unctâ, menses, secundinas & partus  
promovet, uteri suffocationi, & scor-  
pionum moribus opitulatur.*

## OLEUM SCORPIO- NUM MAGNUM.

℞. Summitatum hyperici recentium  
libram semis,  
Herbae

Herbæ scordii recentis drachmas sex,  
 Calaminthæ  
 Cardui benedicti ana recentium unciam semis,  
 Coquantur concisa in  
 Olei olivarum libris tribus  
 Ad humidi consumptionem, in colatura infundantur contusa grosso modo

Radicis zedoariæ  
 Dictamni albi  
 Gentianæ  
 Aristolochiæ rotundæ ana drachmæ tres,

Cinnamomi drachmæ sex,  
 Schænanthi  
 Croci austriaci ana drachma una,

Baccarum juniperi  
 Styracis

Benzoes

Myrrhæ

Theriacæ

Mithridatii ana uncia semis,  
 Scorpionum vivorum numero trecenti,

Macerentur vase probè clauso, postea coletur, & lege artis, exprimatür oleum.

*In febribus malignis, peste, ejusquè bubonibus, uti & morfu animalis venenati prodest hoc oleum, si morsui & bubonibus, in prioribus verò, si pulsibus, cordi & temporibus illiniatur.*

### OLEUM SCORPIONUM SIMPLEX.

℞. Scorpionum vivorum numero centum,

Olei amygdalarum amararum libras duas,

Macerentur in vase vitreo benè clauso per mensem loco calido, tum colentur, & oleum servetur usui.

*Alexipharmacum deprædicatur pulsibus & cordi illinitum, urinam verò, calculumquè pellit regioni renum, vesicæ & pubis illinitum, quamvis pro hoc ultimo affectu à quibusdam etiam interne adhibeatur.*

### OLEUM SEPTEM FLORUM.

℞. Florum violarum

Sambuci

Rosarum

Chamæmeli

Liliorum alborum

Verbasci

Malvæ arboreæ rubræ ana recentium libram semis,

Infundantur singuli flores suo tempore in

Olei olivarum libris sex,  
 Digerantur tam diu, donec omnes flores suo tempore collecti fuerint, ut perfecta maceratio fiat, dehinc simul fiat decoctio ad humidi consumptionem, & peractâ forti expressione habebitur oleum.

*Anodinum deprædicatur, capitis dolores, phrenesin & vigilias fronti & temporibus impositum mitigat, hypochondriorum, ventriculi, coli & uteri tensiones relaxat, pleuritidi, tabi & hæctica medetur.*

## OLEUM STOMACHICUM.

℞. Gummi mastichis uncias tres,  
 Tacamahacæ  
 Ladani ana uncias duas,  
 Styracis unciam unam,  
 Vini generosi libram semis,  
 Olei absynthii libras tres,  
 Stent in digestionem per viginti quatuor horas, dein coquantur, colaturæ addatur

Olei nucis moschatæ expressi  
 uncia una semis,  
 Et seruetur usui.

*In doloribus ventriculi, flatibus & consimilibus affectibus prodest.*

## OLEUM VIRIDE.

℞. Herbarum & radicis valerianæ recentis  
 Cardui benedicti recentis  
 Numulariæ recentis  
 Betonicæ  
 Anethi  
 Summitatum hyperici cum floribus  
 Centaurii minoris cum floribus  
 Tritici  
 Baccarum juniperi viridium ana uncias duas,  
 Incisa & contusa suo tempore infundantur in  
 Vini albi libris sex,  
 Dein addantur  
 Olei olivarum libræ duodecim,  
 Et coquantur ad consumptionem

humiditatis, colaturæ admisceantur invicem soluta

Olibani electi  
 Mastichis ana libra semis,  
 Terebinthinæ claræ libra una,  
 Et sic paretur oleum.

*Ad contusiones, obstructionsque resolvendas externo, pulmonum aliorumque viscerum exulcerationes interno usu celebratur.*

## DE OLEIS COCTIS SIMPLICIBUS PROSTANT:

Oleum Abrotani,  
 Absynthii,  
 Anagallidis,  
 Anethi,  
 Chamæmeli,  
 Cheyrium,  
 Consolidæ majoris,  
 Cydoniorum,  
 Euphorbii,  
 Formicarum,  
 Iridium ex radice & floribus,  
 Liliorum alborum,  
 Lumbricorum terrestrium,  
 Majoranæ,  
 Mastichis,  
 Menthæ,  
 Momordicæ,  
 Myrtillorum,  
 Nymphææ,  
 Palmarum,  
 Ranarum,  
 Rosarum,  
 Rutæ,  
 Sambuci,  
 Saniculæ,  
 Spermatis Ranarum,  
 Tamarisci,

Oleum

Oleum verbasci,  
Violarum.

Parantur hæc olea simpliciter, lege artis, cum oleo olivarum, & virtutes simplicium in se continent.

## OLEA PER DELI- QUIUM.

### OLEUM MYRRHÆ.

℞. Myrrhæ pulverisatæ quantum  
lubet,

Imponatur albumini ovi cocti adhuc calido, & reponatur in cellam ad liquefendum; vel: mixta cum eodem albumine myrrha reponatur supra tabulam vitream, ut liquefcat, & destilletur in vitrum suppositum.

*Cutis maculas, & luis venerea stigmata abstergit.*

### OLEUM TARTARI.

℞. Tartari calcinati, vel salis tartari quantum placuerit,

Fluat per manicam hippocratis lcoo humido, & sic paratum est oleum.

*Digerit, incidit & aperit, hinc hypochondriacis & nephriticis salutare.*

## OLEA DESTILLA- TA.

### OLEUM ABROTANI.

℞. Summitatum abrotani ad seminis maturationem accedentium, quantum placet, incidantur, con-

tundantur, & cum aqua tepida infundantur, inspergendo salis communis quantum satis, stent in olla bene tecta per aliquot dies ad macerationem, tum destillentur per vesicam, & prodibit oleum cum aqua, à qua oleum separetur;

Eodem modo parantur:

Oleum Absynthii,

Chamæmeli,

Chærefolii,

Hyssopi,

Layendulæ,

Majoranæ,

Melissæ,

Menthæ,

Origani,

Pulegii,

Rorismarini.

Rosarum verum,

Rutæ,

Sabinæ,

Salviæ,

Satureiæ,

Serpilli,

Spicæ,

Tanaceti,

Thymi.

## OLEUM AMMONIA- CI GUMMI.

℞. Gummi ammoniaci libram  
unam,

Silicum calcinatorum libram  
unam semis,

Destillentur per retortam vitream in arena, liquore separato, oleum, quod prodiit, lege artis, rectificetur.

M m

Simi-



Simili Processu destillantur:

Oleum Benzoës,  
Galbani,  
Fuliginis,  
Mastichis,  
Myrrhæ,  
Olibani,  
Opopanacis,  
Picis,  
Pini,  
Sagapeni,  
Styracis,  
Succini albi,  
Citri.

### OLEUM ANETHI EX SEMINE.

℞. Seminis anethi libras sex,  
Contusa infundantur aquâ fontanâ ad aliqualem macerationem, additâ salis communis sufficienti quantitate, destilletur per vesicam, &, lege artis, oleum separetur.

Pari modo solent destillari:

Oleum angelicæ ex semine,  
Anisi ex semine,  
Carvi ex semine,  
Coriandri ex semine,  
Cumini ex semine,  
Fœniculi ex semine,  
Juniperi ex baccis,  
Lauri ex baccis,  
Nigellæ ex semine,  
Petroselini ex semine.

### OLEUM ANTIMONII.

Idem est quod butyrum antimonii.

### OLEUM AURANTIORUM & CORTICIBUS.

℞. Corticum exteriorum de pomis aurantiis recentium & non putridorum quantum placet,

Incidantur, & absquè maceratione, quæ quidem copiosius, sed deterius oleum suppeditaret, cum aquæ fontanæ sufficienti quantitate destillentur per alembicum, & oleum, lege artis, separetur.

Tali modo Paratur

Oleum Citri & corticibus.

### OLEUM BUXI LIGNI.

℞. Buxi ligni raspati quantum placet,

Destilletur per retortam, separetur oleum à spiritu, & rectificetur.

Hac methodo destillantur:

Oleum guaiaci ex ligno ejus,  
Juniperi ex ligno.

### OLEUM CALAMI AROMATICI.

℞. Radicum calami aromatici quantum lubet,

Incidantur & aliquamdiu in aquæ fontanæ sufficienti quantitate macerentur, dein per alembicum convenienti igne destillentur, &, lege artis, oleum separetur.

Pariformiter parantur:

Oleum cardamomi,  
Caryophyllorum,

Ole-

Oleum cinnamomi,  
 Cubeborum,  
 Ligni rhodii,  
 Ligni saffras,  
 Macis,  
 Nucis moschatæ,  
 Piperis,  
 Zedoariæ.

### OLEUM CAMPHORÆ.

℞. Camphoræ libram semis,  
 Argillæ libram unam semis,  
 Misceantur exactè, & in arena le-  
 ni igne per retortam destillentur,  
 ubi cum phlegmate ascendens ole-  
 um, lege artis, separetur. Para-  
 tur pro usu externo etiam oleum  
 camphoræ ex camphora soluta in  
 oleo amygdalarum dulcium.

### OLEUM CARMINA- TIVUM.

℞. Olei destillati seminis cumini  
 unciam unam,  
 Fœniculi  
 Anisi  
 Carvi ana drach-  
 mas duas,  
 Anethi  
 Corticum aurantium  
 Chamæmeli ana drachmam  
 unam,  
 Misceantur, & usui serventur.

*Hystericas, melancholicas, & hy-  
 pochondriacas passiones tollit, flatus  
 discutit, dolores quoque ventriculi &  
 intestinorum sedat.*

### OLEUM CERÆ.

℞. Ceræ flavæ puræ libram unam,  
 Arenæ mundæ libras tres,  
 Mixta liquefiant, & formentur in  
 globulos, indantur retortæ, dein  
 destillantur, tandem additione ci-  
 nerum, vel ossium calcinatorum  
 rectificetur per retortam, & lege  
 artis, separetur oleum.

Tali norma paratur:

Oleum saponis.

### OLEUM CORNU CERVINI.

℞. Cornuum cervi in frustra conci-  
 forum quantum pla-  
 cet,

Imponantur retortæ terreæ recipi-  
 ente vitreo munitæ, & igne aperto  
 per gradus ad ignitionem usquè  
 aucto phlegma, sal volatile, oleum  
 & spiritus eliciatur, quæ omnia  
 rectificando successivè oleum, le-  
 ge artis, separetur.

Eadem methodo destillantur:

Oleum cranii humani,  
 Lumbricorum,  
 Sanguinis humani,  
 Serpentum,  
 Viperarum,  
 Ungulæ alcis.

### OLEUM GALBANE- TUM PARACELSI.

℞. Gummi galbani libram unam,  
 Olei terebinthinæ claræ libras  
 tres,

Misceantur, digerantur, & destillentur per retortam, destillato addatur

Olei lavendulæ destillati uncia una,  
Et servetur usui.

*Cephalicum est, & antinephriticum, contracturis quoque medetur.*

## OLEUM LOIMICUM.

℞. Olei destillati camphoræ  
Succini  
Citri ana unciam unam,

Misceantur pro usu.

*Virtutes hujus olei in peste tanquam specifici expertissimi deprædicat Heinsius,*

## OLEUM PHILOSOPHORUM, SEU DE LATERIBUS.

℞. Laterum grosso modo contusorum & ignitorum quantum placet,

Olei olivarum, quantum lateres imbibere possunt,  
Ex retorta igne aperto per gradus aucto, lege artis, destillentur, oleum prodiens super cineres rectificetur.

*Ad lienis tumores resolvendos, paralysis, asthma, & suffocationes hystericas conducit.*

## OLEUM SATURNI.

℞. Salis saturni chrySTALLINI uncias octo,

Immittantur phiolæ, & affusis  
Olei terebinthinæ claræ libris duabus

Digerantur in arena, tincturaque extrahatur, quæ ex retorta igne aperto destilletur, leni in principio igne, donec spiritus terebinthinæ prodierit, mutetur dein recipiens, & ignis, lege artis, augeatur per gradus, usque dum totum oleum exierit.

*In cancrrosis, exedentibus & malignis ulceribus recommendatur.*

## OLEUM SULPHURIS.

℞. Spiritus sulphuris destillatio continuetur, ubi ultimâ ignis torturâ oleum prolicietur, advertendo, ut quando spiritus rubeus, id est: oleum venire incipit, prior spiritus antea separetur.

*In peste, astmate & pectoris affectibus conducit.*

In hunc modum etiam paratur:

Oleum vitrioli.

## OLEUM TARTARI, FOETIDUM.

℞. Tartari albi puri crassiusculè contracti, quantum placet,

Immittatur in retortam vitream, cujus tertia pars vacua maneat, collocetur in arenam, recipiente fat capaci adaptato & probè lutato, ignis per gradus successivè intendatur, usque dum spiritus instar nebulæ cum oleo egrediantur,

antur, separentur invicem per filtrum prius aquâ humectatum, & super cineres, lege artis, rectificetur oleum.

Oleum tartari pariter haberi potest ex fœcibus, dum sal volatile tartari præparatur.

### OLEUM TEREBIN- THINÆ.

℞. Terebinthinæ lucidæ quantum lubet, in

Aquæ fontanæ larga quantitate

Destillantur ex vesica lento igne, & prodibit phlegma cum oleo, quæ, lege artis, ab invicem separentur.

*Cuncta hæc olea destillata simpliciora principalis sui virtutes secumferunt.*

### OLEA EXPRESSA.

#### OLEUM AMYGDALARUM AMARARUM.

℞. Amygdalarum amararum non rancidarum, quantum placet,

Contundantur minutissimè, dein exprimantur.

*Oleum hoc attenuat, digerit & incidit, aurium tinnitum, cutis maculas & asperitates tollit, in stranguria & vermibus pûbi illinitur.*



#### OLEUM AMYGDALARUM DULCIUM.

Fit eodem modo, quo præcedens, sine igne.

*Internè recens expressum & non rancidum sumitur in pleuritide, nephritide, colica, stranguria, raucedine, tussi, aliisque pectoris affectibus, tormina puerperarum & recens natorum sistit, adhibetur & in clysteribus ad alvum solvendam & inveteratas fœces emolliendas.*

#### OLEUM HYOSCIAMI SEMINIS.

℞. Seminis hyosciami quantum placet,

Contundatur parum, torretur & fortiter exprimatur.

*Ad dolores sistendos dilaudatum est anodinum.*

Eodem modo exprimuntur:

Oleum seminis cannabini,  
Seminis lini,  
Seminis papaveris albi,  
Seminum quatuor frigidorum majorum,  
Seminis sesami,  
Seminis sinapis,  
Et ex aliis feminibus.

*Quæ olea virtutes simplicium emulantur.*

#### OLEUM NUCLEORUM PERSICORUM.

℞. Procedatur hoc oleum exprimendum.

mendo, uti cum amygdalis factum.

*Aurium, hemorrhoidumquè dolores & tumores tollit, assumptum colicam medetur.*

Tali etiam modo parantur:

Oleum nucum avellanarum,  
Nucum juglandium,

*Quorum virtutes sunt discutientes, colicam sistentes, & cutaneos nevos abstergentes.*

### OLEUM NUCUM MOSCHATARUM.

℞. Nucum moschatarum quantum lubet,  
Optimè contundantur, tum vino calido irrorentur, ex quibus dein, dum adhuc calent, lege artis, oleum exprimatur.

*Ventriculum inundum roborat, frigidam & humidam ejus intemperiem corrigit, genitalibus illinitum venerem stimulare perhibetur.*

### OLEUM OVORUM.

℞. Ovorum recentium, quantum placet,

Coquantur, donec penitus indurentur, dein vitelli ex iis eximantur, & comminuti lentissimè assentur in sartagine, donec granulescant, tunc adhuc ferventes & forti sacculo inclusi exprimantur, ut oleum prodeat.

*Convenit in ambustis, herniis, fissuris labiorum, papillarum, manuum, pedum, ani, & doloribus hemorrhoidum, ad soveas variolantium explendas cosmeticum quoquè dicitur.*

